

यन्महा॑सि जु॒होति॑ । अ॒मुमे॒व लो॒कमव॑रुन्धे । आ॒-  
 दि॒त्यानां॑ सायु॒ज्यं गच्छ॑ति । सूर्य्यं॑ ज्योति॒रव॑रुन्धे ।  
 नमो॑ रा॒ज्ञे नमो॑ वरु॒णायेति॑ य॒व्यानि॑ जु॒होति॑ । अ॒न्ना-  
 द॒स्याव॑रुध्यै । म॒यो भूर्वातो॑ अभि॒वात॑सा इति ग॒व्या-  
 नि॑ जु॒होति॑ । प॒शूनाम॑वरुध्यै । प्रा॒णाय॒ स्वाहा॑ व्या॒नाय॒  
 स्वाहेति॑ सन्तति॒होमां जु॑होति । सु॒वर्गस्य॑ लो॒कस्य॑  
 सन्तत्यै ॥ ३ ॥

सि॒ताय॒ स्वाहा॑सि॒ताय॒ स्वाहेति॑ प्रमु॒क्तीर्जु॑होति ।  
 सु॒वर्गस्य॑ लो॒कस्य॑ प्रमु॒क्त्यै । पृथि॒व्यै स्वाहा॑न्तरि॒क्षाय॑  
 स्वाहेत्याह । यथा य॒जुरे॒वैतत् । द॒त्वते॒ स्वाहा॑ द॒न्त-  
 का॒य स्वाहेति॑ शरीर॒होमां जु॑होति । पि॒तृलो॒कमे॒व तै-  
 र्यज॑मा॒नोऽव॑रुन्धे । क॒स्त्वा यु॑नक्ति स त्वा यु॒नक्ति॑ति  
 परि॒धीन् यु॑नक्ति । इ॒मे वै लो॒काः परि॒धयः॑ । इ॒माने-  
 वास्मै॑ लो॒कान् यु॑नक्ति । सु॒वर्गस्य॑ लो॒कस्य॑ सम॒ष्ट्यै ॥ ४ ॥

यः प्रा॒णतो॑ य आ॒त्मदा॑ इति म॒हिमा॒नौ जु॑हो-  
 ति । सु॒वर्गो॑ वै लो॒को महः॑ । सु॒वर्गमे॒व ताभ्यां॑ लो॒कं  
 यज॑मा॒नोऽव॑रुन्धे । आ ब्रह्म॑न् ब्राह्म॒णो ब्रह्म॑वर्च॒सी  
 जा॒यता॒मिति॑ सम॒स्तानि॑ ब्रह्म॑वर्च॒सानि॑ जु॒होति॑ । बृ-  
 ह्म॑वर्च॒समे॒व तैर्यज॑मा॒नोऽव॑रुन्धे । ज॒ज्ञिबी॒जमिति॑ जु-